

Caroli Frid. Kaltschmiedii Facvltatis Medicae H. T. Decani Propempticon
Inavgvrale De Ileo In Hernia Incarcerata Gangraena Affecto, Aegra Tamen
Svperstite

Propempticon Inavgvrale De Ileo In Hernia Incarcerata Gangraena
Affecto, Aegra Tamen Svperstite

Ienae


Kaltschmied, Carl Friedrich

4 Diss.med.36(22)

https://collections.thulb.uni-jena.de/receive/HisBest_cbu_00033795

urn:nbn:de:urmel-31b9b322-87e1-4f31-b9fc-22786bf26e35-00019711-19

Lizenz: <https://creativecommons.org/licenses/by-nc-sa/4.0/>



22

CAROLI FRID. KALTSCHMIEDII

FACVLTATIS MEDICAE

H. T.

DECANI

PROPEMPTICON INAVGVRALE
DE ILEO


IN

HERNIA INCARCERATA
GANGRAENA AFFECTO,
AEGRA TAMEN SVPERSTITE.

I E N A E

LITTERIS IO. FRIDERICI SCHILLII.

urn:nbn:de:urmel-31b9b322-87e1-4f31-b9fc-22786bf26e35-00019711-19



urn:nbn:de:urmel-31b9b322-87e1-4f31-b9fc-22786bf26e35-00019711-26



Mulier sexaginta & octo annorum, iam per multos annos tumorem in dextro inguine fenserat, magnitudine ouum gallinaceum excedentem leuique manus pressioni per multos annos cedentem, sponte etiam vt plurimum per somnum disparentem, interdum uero motu inprimis corporis uehementiori denuo adparentem, herniam itaque inguinalem prodentem. Die uero huius anni xix. Aprilis tumor induratus admodum dolere, nullamque admittere repositionem coepit. Doloribus indices auctis, quartoque die calore accedente præternaturali, appetituque prostrato, alui obstructione uexatur pertinaci. Quibus symptomatibus frustra per remedia, quæ uocant domestica, tentatis, octauo die, xxvi. Aprilis, auxilium meum implorabat, ubi præter antea memorata symptomata vomitu fatigata

)(2

dolo-

dolores sentiebat acutissimos. Iam etiam rubor herniae incarceratae, admodum induratae, splendens inflammationem intestini ilei, doloribus late ac profunde abdomen occupantibus testabatur, omniaque emollientia ac lenientia per noctem adhibita eludebat. Nulla itaque nec internis nec externis remediis relicta spe, aegra cultello chirurgico se submisit. Die igitur sequenti xxvii. eiusdem integumentis dissectis intestinum ileum satis denudatum maculam nigram nummi argentei magnitudine ostendebat et circum circa musculis abdominis et imprimis rupto peritoneo firmissime cohaerens omnem repositionem renuebat. Nec ausus aperturam musculorum abdominis dilatare, veritus, ne partes intestini ilei gangraenosae abdomini immissae anceps iam vitae periculum cum spacelo et morte commutarent. Admotam igitur intestinis denudatis Essentia Opobalsami et balsami Peruuiani probe saturata, cataplasmata emollientia diligentissime adhibenda curavi, a quibus per 24. horas admotis, internis temperantibus ac bezoardicis mediis superadditis, partes gangraenosae intestini ilei multum fundebant ichorem cum foetore fere intolerabili faecesque reclusas ruptae dimittebant. Admoto aperturae ilei balsamo de Copaiua, pus benignum adparebat foetorque imminutus quarto die disparebat. Apertura intestini ilei pollicem admittebat colore rubro musculorum abdominis vulneris labiis similis, doloribus et calore febrili fugatis appetituque redeunte spem vitae protrahendae dabant.

Nec

urn:nbn:de:urmel-31b9b322-87e1-4f31-b9fc-22786bf26e35-00019711-49



Nec spes vana; subsequētib; enim quatuordecim diebus reliquae ilei partes integræ cute antea remota tectae vulneris consolidationem admiscere, nisi, quod aperturam ilei occludere doloribus denuo accedentibus prohiberer. Clauso itaque circum circa vulnere aperturam ilei intactam relinquebam, fundentem assumpta saepius immutata. Omnes interim actiones et vitales et naturales a statu sano non abhorrent, nisi quod alius debito modo non semper respondeat, quando fortior excretio per aperturam ilei fit, lubricantibus autem adhibitis medelam admittit. Appetitus vero hæcenus præfens eum superat, qui ante accessum supra memoratorum symptomatum adfuit. Nec ullum postea adparuit symptoma, nisi quod vulnus intestini die XIV. Iunii uncias circiter duas, et die XIX. eiusdem vnam sanguinis funderet. Status autem præfens ipsi negotiis domesticis interesse permittit. Dignum hunc casum censui, quem Dissertationi inaugurali præmitterem

*Clarissimi atque Doctissimi artis salutaris
Doctorandi,*

**IOANNIS FRIDERICI
BRAVNII,**

in lucem editus hic *Ronneburgi*, in Ducatu Altenburgensi, patrem nactus IOANNEM FRIDERICVM BRAVNIVM, textorem, matremque ANNAM IV-

)(3

STI-

urn:nbn:de:urmel-31b9b322-87e1-4f31-b9fc-22786bf26e35-00019711-53

STINAM natalibus KVENSTIAM. Optimi hi parentes a primis pueritiae annis pietatis ac humanitatis studiis primo in vrbe patria nostrum tradiderunt, postea anno MDCCXXVI. Lipsiam miserunt, in artibus elegantioribus in schola, quæ ibidem floret, Thomana, erudiendum. Expertus est ibidem in docendo integritatem ERNESTI, Professoris olim in Academia Lipsiensi celeberrimi, postea GESNERI, Rectorum huius scholæ celeberrimorum, doctissimi HEBENSTREITII, Conrectoris, postea Professoris linguarum orientalium excellentissimi et succedentis in eius locum eruditissimi ERNESTI, nunc Rectoris meritissimi, BACCHII, Cantoris, BEZOLDI, Collegae III. et KRIGELII, Collegae IVti. Concessit hinc noster anno MDCCXXXIV. Altenburgum usque in Gymnasio ibidem dexterrima instructione celeberrimi Directoris MOVERLINI, Professoris WEBERI, Conrectoris ISCHWENDII et Subconrectoris MEYERI. Anno MDCCXXXVII. Lipsiam reuersus a Magnifico t.t. Rectore WALTHERO in numerum ciuium academicorum receptus. Iam igitur partim in Philosophiae, partim Iuris partibus nactus est Professores ac Praeceptores Illustres ac Celeberrimos, RIVINVM, HOMMELIVM, BAVERVM, HECK-

HECKNERVM, KAESTNERVM, THOMASIVM, MEINIGIVM, KVCHLERVM. Castra etiam bellica non auersatus est noster, ubi praetoriae cohorti de REX metator ad tempus interfuit. Neque tamen strepitum armorum musarum deliciis diu praeferre voluit, quin potius anno MDCCXLIII. Illustri tum temporis SCHAYMBVRGIO, inter caelites nunc degente, Prorectore, Ienam concessit, ac duce Consultissimo MOTERO Iuris studia profecutus est. Anno autem MDCCXLIV. iucunditate studii medici allicitus ad castra nostra transiit. Ducibus iam usus est Illustri quondam et magni nominis Viro iam beato WEDELIO in curatione febrium, Illustri ac venerabili ordinis nostri Seniore HILSCHERO in materia medica et praescribendis formulis. Magnifico iam Prorectore, Illustri HAMBERGERO, in anatomia, physiologia, pathologia, semiotica, materia medica, chemia, medendi methodo, botanicis, cuius et artificiosas sectiones cadauerum aliquot et masculini et foeminini sexus se vidisse laudat. In praxi et chirurgia meis praelectionibus diligenter interfuisse nostrum ipse testor. Probe itaque in arte salutaris eruditus a Facultate nostra petiit, ut in numerum Candidatorum reciperetur. Factum id est die XIX. Iulii h. a. cumque in examinibus eruditionem suam satis probaue-

bauerit, ex decreto Facultatis futuro die xxiii. Septembris Dissertationem inauguralem, quam vocant, sub praesidio Illustris ac Venerabilis Senioris HILSCHERI, de HECTICA EX MALO HYPOCHONDRIACO ORTA, publice defendet. Huic actui vt addant splendorem atque decus Magnificus Academiae Prorektor, Patres Academiae Venerandi ac Hospites omnium ordinum honoratissimi, Ciuesque generosi, nobilissimi atque doctissimi, ea, qua decet obseruantia ac humanitate, enixe rogo. P. P. sub figillo Facultatis die xvii. Septembris
MDCCXLVII.



urn:nbn:de:urmel-31b9b322-87e1-4f31-b9fc-22786bf26e35-00019711-82